

Broj: 01-07-07/2-14-2-1525
Datum: 22.09.2015. godine

Na osnovu člana 22. Zakona o unutrašnjim poslovima Federacije Bosne i Hercegovine („Službene novine Federacije BiH“, broj 81/14) i u skladu sa Zakonom o javnim nabavkama Bosne i Hercegovine („Službeni glasnik BiH“, broj 39/14), federalni ministar unutrašnjih poslova **d o n o s i**

ODLUKU

O PONIŠTENJU OTVORENOG POSTUPKA JAVNE NABAVKE KANCELARIJSKOG MATERIJALA PO LOT-OVIMA U TOKU 2016. GODINE ZA LOT 1 - NABAVKA KANCELARIJSKOG POTROŠNOG MATERIJALA

I

Na osnovu člana 69. stav (2) tačke c) i e) i člana 70. stav (4) Zakona o javnim nabavkama Bosne i Hercegovine („Službeni glasnik BiH“, broj 39/14), poništava se otvoreni postupak javne nabavke kancelarijskog materijala po LOT-ovima u toku 2016. godine za LOT 1 - nabavka kancelarijskog potrošnog materijala jer je tenderskom dokumentacijom određeno zaključivanje okvirnog sporazuma sa više ponuđača za svaki LOT posebno, a Ugovorni organ ima jednu prihvatljivu ponudu sa cijenom koja je znatno veća od osiguranih sredstava za predmetnu nabavku.

II

Ova odluka stupa na snagu danom donošenja.

O b r a z l o ž e n j e

Komisija za provođenje postupka javne nabavke kancelarijskog materijala po LOT-ovima u toku 2016. godine, imenovana rješenjem broj: 01-07-07/2-14-2-1525 od 01.09.2015. godine, provela je postupak, te izvršila razmatranje, analizu i ocjenu blagovremeno prispjelih ponuda ponuđača po otvorenom postupku javne nabavke kancelarijskog materijala po LOT-ovima u toku 2016. godine (LOT 1-nabavka kancelarijskog potrošnog materijala i LOT 2- nabavka tonera), objavljenog na portalu Javnih nabavki broj: 405-1-1-34-3-16/15 dana 05.08.2015. godine i u Službenom glasniku BiH broj 63/15 dana 10.08.2015. godine.

Komisija je izvršila analizu i ocjenu dvije blagovremeno pristigle ponude ponuđača za LOT 1 - nabavka kancelarijskog potrošnog materijala i to:

1. Ponudu ponuđača „PRIMAPROM“ d.o.o. Banja Luka, sa ponuđenom ukupnom cijenom sa PDV-om i popustom u iznosu 23.622,77 KM, rokom isporuke: 1 dan i rokom plaćanja: 92 dana, i



2. Ponudu ponuđača „CROBOX“ d.o.o. Sarajevo, sa ponuđenom ukupnom cijenom sa PDV-om i popustom u iznosu 26.146,734 KM, rokom isporuke: 1 dan i rokom plaćanja: 91 dan.

Nakon detaljnog ispitivanja i ocjene ponuda, Komisija je utvrdila sljedeće:

- da ponuda ponuđača „PRIMAPROM“ d.o.o. Banja Luka nije prihvatljiva za Ugovorni organ iz sljedećeg razloga:

što dostavljena izjava o ukupnom prometu i prometu u segmentu poslovanja nije ovjerena kod nadležnog organa, a što nije u skladu sa zahtjevom Ugovornog organa iz tačke 12. podtačka b) i tačke 13. podtačka f) Tenderske dokumentacije za predmetu nabavku u kojima je propisano da ponuda mora sadržavati traženu izjavu ovjerenu kod nadležnog organa.

Također, ponuđena cijena u iznosu od 20.602,45 KM (bez uključenog PDV-a) prelazi procijenjenu vrijednost datu u tački 4.2 Tenderske dokumentacije javne nabavke za LOT 1 koji iznosi 18.000,00 KM (bez uključenog PDV-a) tako da je znatno veća od osiguranih sredstava za predmetnu nabavku.

- da ponuda ponuđača „CROBOX“ d.o.o. Sarajevo, sa ponuđenom ukupnom cijenom sa PDV-om i popustom u iznosu 26.146,734 KM, rokom isporuke: 1 dan i rokom plaćanja: 91 dan je prihvatljiva za Ugovorni organ jer ispunjava sve zahtjeve tražene tenderskom dokumentacijom ali ponuđena cijena u iznosu od 22.347,636 KM (bez uključenog PDV-a) prelazi procijenjenu vrijednost datu u tački 4.2 Tenderske dokumentacije javne nabavke za LOT 1 koji iznosi 18.000,00 KM (bez uključenog PDV-a) tako da je znatno veća od osiguranih sredstava za predmetnu nabavku.

Komisija je konstatovala da nepostoje uslovi za dodjelu okvirnog sporazuma za LOT 1 jer je tenderskom dokumentacijom određeno zaključivanje okvirnog sporazuma sa više ponuđača za svaki LOT posebno, a Ugovorni organ ima jednu prihvatljivu ponudu sa cijenom koja je znatno veća od osiguranih sredstava za predmetnu nabavku.

Shodno navedenom, a vođen Izvještajem o radu Komisije i preporukom o poništenju postupka, Ugovorni organ je odlučio kao u dispozitivu ove odluke.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi BiH, u pisanoj formi u roku od 10 (dest) dana od dana prijema iste. Žalba se podnosi putem Ugovornog organa u 3 (tri) primjerka i dokazom o uplaćenju taksi.

Dostaviti:

1. Ponuđačima,
2. Sektoru za mat.-fin. poslove FMUP-a,
3. Kabinetu ministra - Odsjek za odnose sa javnošću
(za potrebe objave na internetskoj strani FMUP-a – Ugovornog organa),
4. U spis,
5. a/a.

MH/FG

MINISTAR
Aljoša Čampara

FMUP-ODL